

四庫全書

史部

欽定四庫全書

行水金鑑卷八十二

江南按察使傅澤洪撰

濟水

東出于陶丘北又東至于荷

禹貢

再成為陶丘李巡曰再成其形再重也郭璞云今濟

陰定陶城中有陶丘地理志云定陶縣西南有陶丘

亭

孔氏疏 今山東兗州府定陶縣西南有定陶故城

出者言在平地自下面而涌非有上流如某水至某

處之至

書纂言

荷即荷澤謂之至者濟陰縣自有荷派濟流至其地

爾

陳標書集傳纂疏地理志濟陰郡下云禹貢荷澤在定陶東唐省定陶入濟陰故通典濟陰縣下

云荷澤在縣東北九十里

溢者無上源亦無下流頗與阿井相似出者源在地中流在地上如趵突泉之流而為灤水濟自此不更

伏矣

禹貢雖指

濟水又東過定陶縣南又東北荷水東出焉又東逕秦

相魏冉冢南又東北逕定陶恭王陵南

水經

冉秦宣太后弟也定陶恭王漢哀帝父也

酈注 日知錄云今

曹縣有冉堦為秦相穰侯魏冉之冢史記穰侯卒于陶因葬焉

又東北逕定陶縣故城南

水經

周武王封弟叔振鐸之邑也故曹國漢宣帝甘露二年更濟陰為定陶國戰國之世范蠡既雪會稽之恥乃變姓名寓之於陶為朱公以陶天下之中諸侯四

通貨物之所交易也治產致千金富行好德子孫修

業遂致巨萬故言富者皆曰陶朱公也

酈注

又屈從縣東北流

水經

又東逕陶丘北墨子以為釜丘竹書紀年魏襄王十

九年薛侯來會王于釜丘者也尚書所謂導河水自

陶丘北謂此也

酈注

漢志陶丘在定陶縣西南則濟水當先逕陶丘而後至故城此經

不合恐是錯簡又東北逕定陶縣故城南十字當在引竹書語之下

按自滎口至陶丘皆後世滎潰之所經非禹迹也今

曹州定陶界中並有濟水故道禹時則濟水伏流涌
自陶丘之北而東注于荷澤無上源也陶丘漢志云
在定陶縣西南而郭璞言在城中蓋其時郡徙西南
包陶丘而為城耳今縣則又徙於東北故陶丘與漢
城皆在西南也荷澤在陶丘之東北相去不遠濟
水伏流至陶丘北上奮馳波跳沫東北匯于荷澤又
東北絕鉅野至琅槐入海者為濟瀆其一枝東南流
至湖陵入泗者後人目之曰荷水漢志湖陵縣下云

荷水在南者是湖陵今為魚臺縣地也許慎云荷澤水在湖陵謂澤之下流入泗者亦未為誤自孔傳襲其文曰荷澤在湖陵而遺一水字則在湖陵者為澤矣釋此至于荷又增一水字曰荷澤之水則定陶之荷澤與湖陵之荷水無別矣酈道元時孔傳已盛行故宗其說言尚書有導荷澤之說自陶丘北東至於荷水又以湖陵入泗為澤水所鍾而不知此特荷澤之下流其所鍾則在定陶也且豫州導荷澤被孟豬

乃導澤水之餘波南入于孟豬非謂東南至湖陵入泗之荷水酈乃混而為一種種紕繆皆為孔傳所誤說禹貢者當以漢志為正經文三荷字皆以澤言在定陶與湖陵無涉也荷之為澤也濟貫其中大半是濟水所匯酈注云即沛水之所包注以成湖澤是也然亦必有旁源酈注云濟水自定陶故城南又東北右合荷水水上承濟水於濟陽縣東世謂之五丈溝又東北出定陶縣北屈左合汜水汜水西分濟瀆

東北逕濟陰郡南又東合於荷又東北逕定陶縣南
又東北右合黃水枝渠而北注濟瀆是汜水與五丈
溝之會於澤者亦皆濟水之分流也寰宇記云荷水

亦名南濟水

近志以北清河為北濟南清河為南濟誤由於此

俗謂之五丈

河西自考城縣界來程大昌曰樂史寰宇書云濟陰
有山是為荷山荷水西自考城來考城在濟陰西濟
之正流未嘗經考城可見荷水自為一派而濟來會
之甚明也水經以此水為五丈溝即近世命為五丈

河者此正蒗水首末也渭按曹州志蒗山在州東南三十里以近蒗澤而言蓋澤本名蒗後人因澤以名其山也說者謂蒗水出蒗山非是據酈注蒗水分濟於定陶東北此即經所謂濟水東至乘氏縣西分為二南為蒗水北為濟瀆者也乘氏故城在今鉅野縣西南漢置然曹州之東境亦兼得乘氏地州東南與定陶接界蒗澤在焉注所謂定陶東北即經所謂乘氏縣西也但不言蒗澤為疎漏耳蒗水只自蒗澤分

流酈以濟陽所出之五丈溝為荷水蓋雜採他說而有此繆元和志因目魚臺之荷水曰五丈溝而程氏據以為荷水之首末正當如此皆非地志水經之荷水起乘氏訖湖陵之本意也 濟水有三伏三見之說或謂出於近世之俗學殊不可信王綱振云如時以東流為濟溢為滎為見則濬東流為漢滙為彭蠡亦可為見乎又若以入於河為伏則渭入於河洛入於河亦可為伏乎况經明言浮于濟漯達于河河濟

本通而此曰流曰溢曰入曰出曰至曰會亦並無間斷不知三伏三見何據但沿襲既久為之曲解非本注也渭按伏見之說二孔無之然有所自來秦澤一伏東丘一見本水經注武德入河再伏滎陽軼出再見本地理志滎東又洑為三伏出曹濮間為三見本唐書許敬宗傳此豈創自近世但以入河為伏羲有未安耳滎澤自周以前已導為滎川與陶丘復出之濟相接故漢志於軼出滎陽地中下即繼之曰又東

至琅槐入海而定陶縣下亦止云禹貢陶丘在西南
不引東出之文蓋三見之迹不可得見久矣鴻溝既
開滎瀆為濁河所亂陶丘之竇日就填淤而滎澤之
澄泓如故其後滎澤亦塞則河南由是無濟水而再
見之迹亦亡水經以河濟合流分入滎瀆者為濟水
京相璠謂之出河之濟酈道元宗之而班固之所謂
軼出地中者絕口不談矣孔安國以為河中截流而
過蔡沈以為河底穴地而來孔穎達以為河濟相亂

南出還清程大昌以為適會河滿溢出南岸各持所見終非定論余竊謂河南之濟即奮自河南之地中未必與入河之濟為一脈譬如人之鼻息總出丹田氣海中呼者豈必其吸者之復出邪沈括云厯下凡發地皆是流水世傳濟水經過其下東阿之井乃濟水所為曾鞏云泰山諸谷之水自渴馬崖潛流地中至厯城西復出為趵突旁溢十數泉蔡傳引以證濟之伏見重源顯發所在多有元和志云鄭州管城縣

京水出縣南平地新鄭縣溱水出縣西北三十里平
地二處並在河南密邇滎澤尤為明驗蓋濟瀆所經
之地其下皆有伏流遇空竇即便涌出故一見於滎
澤再見於陶丘不必以入河之濟為上源亦不必并
泰澤東丘數之為三伏三見也草廬之說雖聖人復
作無以易之矣

禹貢雖指

又東北會于汶

禹貢

濟與汶合

孔氏傳

地理志云汶水出泰山萊蕪縣原山西南入濟孔氏疏

水經汶水出太山萊蕪縣原山西南過嬴縣南又東南流過奉高縣北屈從縣西南流過博縣西北又西南過地丘縣南又西南過岡縣北又西南過平章縣南又西南過無鹽縣南又西南過壽張縣北又西南至安民亭入於濟

濟水

自定陶縣東北

又東至乘氏縣西分為二

水經

春秋左傳僖三十一年分曹地東傳于濟濟水自是

東北流出巨澤

鄭注

南為荷水北為濟瀆

水經

其一水東南流其一水從縣東北流入鉅野澤

鄆注北

濟自滎澤東逕卷縣之武修亭又東逕陽武縣故城北又東逕酸棗縣之烏巢澤北又東逕平丘縣南又

東逕濟陽縣故城北

又東北逕宛朐縣故城北

水經

又東北逕呂都縣故城南又東北逕定陶縣故城北

鄆注

又東北與濮水會

水經

濮水上承濟水于封丘縣闢駟曰首受別濟即北濟

也其故瀆自東北流左迤為高粱陂濮水又東逕匡城北孔子去衛適陳遇難於匡者也又東北左會別濮水受河於酸棗縣故杜預曰濮水出酸棗縣首受河竹書紀年曰魏襄王十年十月大霖雨疾風河水溢酸棗郭漢世塞之故班固曰大堙酸棗也今無水其故瀆東北逕南北二棣城間酸棗以棘名邦故曰酸棗也漢官儀曰舊河隄謁者居之濮水又東與句瀆首受濮水枝渠於句陽縣東南逕句陽縣故城南

春秋之穀上也左傳以為句瀆之止矣又東入乘氏
縣左會濮水與濟同入鉅野故地理志曰濮水自濮
陽南入鉅野亦經所謂濟水自乘氏縣南分東北入
於鉅野也

酈注

濟水故瀆又北右合洪水

水經

上承鉅野薛訓渚歷澤西北渚又北逕闔鄉城西又
北濟瀆合自渚迄于北口一百二十里名曰洪水桓
溫以太和四年率衆北入掘渠通濟至義熙十三年

劉武帝西入長安又廣其功自洪口已上又謂之桓

公瀆濟自是北注也

酈注

又東北過壽張縣西界安民亭南汶水從東北來注之

水經

濟水又北汶水注之戴延之所謂清口也郭緣生述
征記曰清河首受洪水北流濟或謂清則濟也禹貢
濟東北會于汶今枯渠注巨澤巨澤北則清水清水

與汶會也

酈注 今東平州西南有壽張故城西北
去今壽張縣五十里州西南十里有安山

鎮即古安民亭齊乘云東平城西即安山開開
下泥河口有亭子店即安民亭遺址濟汶合處

濟水自荷澤東北流絕鉅野澤而北合洪水以至安
民亭南者禹之舊迹也其後不知何年改從澤西之
清水而繞澤北以會汶謂之清口其澤中之道自洪
口至清口者則無水故水經謂之故瀆述征記謂之
枯渠漢元光中河決瓠子東南注於鉅野濟水改道疑當在此時今會通河逕鉅
野縣東北七十里去故城已遠并清水會汶之故道
亦湮沒而不可考况禹之舊迹乎 以今輿地言之

汶水自萊蕪歷泰安肥城寧陽至東平入濟合流以注於海此禹迹也迨元人引汶絕濟為會通河明永樂中又築戴村壩遏汶水盡出南旺以資運而安山入濟之故道填淤久矣

禹貢雖指

又北東入于海

禹貢

北折而東

孔氏傳

濟水

自壽張縣西合汶水

又北逕梁山東袁宏北征賦曰背梁

山截汶波即此處也

鄭注張縣南

括地志梁山在鄆州壽張縣南二十五里今在東平州

西南五十里接汶上縣界梁山濼在今壽張縣東梁山之南濟汶既合東北匯而成濼日知錄云宋史宦者傳梁山濼古鉅野澤綿亘數百里濟鄆數州賴其蒲魚之利金史食貨志黃河已移故道梁山濼水退地甚廣遣使安置屯田自此以後鉅野壽張諸邑古時潞水之地無尺寸不耕而忘其昔日之為川浸矣

又北逕須朐城西

水經

城臨側濟水故須國風姓也春秋僖公二十一年子魚曰任宿須朐顓臾風姓也實司太皞與有濟之祀地理志曰壽張縣西北有朐城者是也濟水西有安民亭亭北對安民山東臨濟水水東即無鹽縣界也

鄉注 東平州本漢無鹽縣州西南有須胸故城

又逕微鄉東

水經

春秋莊公二十八年經書冬築郿公羊傳謂之微在東平壽張縣西北三十里有故微鄉魯邑也杜預曰有微子冢濟水又北分為二水其枝津西北出謂之

馬頰水

鄉注

又北過須昌縣西

水經

京相璠曰須胸一國二城兩名蓋遷都須昌胸是其



本秦以為縣濟水於縣趙溝水注之

鄆注 今東平州西有須昌故

城元和志須昌縣

濟水在縣西二里

又北逕魚山東左合馬頰水

水經

水首受濟西北流歷安民山北又西流趙溝出焉東

北注于濟馬頰水又逕桃城東又東北流逕魚山南

山即吾山漢武帝瓠子歌所謂吾山平者也其水又

東注于清濟謂之馬頰口

鄆注 元和志魚山在東阿縣東南二十里近志云

在縣西以宋初縣治東移故也山東通志吾山一名魚山在東阿縣西八里大清河西岸五代史梁太祖

與充鄆兵
大戰於此

濟水自魚山北逕清亭東

水經

春秋隱公四年公及宋公過于清京相璠曰今濟北東阿縣東北四十里有故清亭即春秋所謂清也是濟水通得清之目焉亦水色清深用兼厥稱矣是故

燕王曰吾聞齊有清濟即此水也

酈注 春秋莊三
十年公及齊侯遇

于魯濟杜預曰濟水歷齊魯界在齊界為齊濟在魯界為魯濟濟水自清亭又北則為穀城齊地矣濟之為齊為魯當分於此間

又北過穀城縣西

水經

濟水側岸有尹邛壘南去魚山四十餘里是穀城縣界春秋之小穀城也縣有穀城山陽穀之地春秋齊

侯宋公會於陽穀者也

鄆注 後漢分東阿置穀城縣今為東阿縣治

又北逕周首亭西

水經

春秋左丘明云襄公二年王子成父獲長狄僑如弟榮如葬其首於周首之北門即是邑也今世謂之盧

子城濟北郡治也

鄆注

又北過臨邑縣東

水經

地理志曰縣有濟水祠也水有石門故濟水之門也

春秋隱五年齊鄭會于石門鄭車僨濟即於此也京

相璠曰石門齊地今濟北盧縣故城西南六十里有

故石門去水三百步蓋水瀆流移故側岸也

酈注
臨邑故

城在今

往平縣

又北逕平陰城西

水經

春秋襄十八年晉侯沈玉濟河會于魯濟尋濕梁之

盟同伐齊齊侯禦諸平陰者也京相璠曰平陰齊地在濟北盧縣故城西南十里平陰城南有長城東至海西至濟河道所由名防門去平陰三里齊侯暫防門即此巫山在平陰東北巫山之上石室世謂之孝子堂濟水右迤過為湄湖方四十餘里

鄭注平陰即今平

陰縣盧縣故城在今長清縣西南二十五里

又東北至垣苗城西

水經

故洛當城也伏韜北征記曰濟水又與清河合流至

洛當者也河水自泗瀆口東北流而為蒲魏土地記

曰盟津河別流十里與清水合亂流而東逕洛當城

北黑白異流涇渭殊別而東南流注也

酈注垣苗城在今長清

縣西南元和志長清縣濟水在北去縣十里即今大清河也對岸則齊河縣大清橋跨其上為南北通衢

又東北過盧縣北

水經

濟水東北與涓溝合水上承涓湖北流注濟

酈注左傳隱

三年齊鄭尋

盧之盟即此

又逕盧縣故城北

水經

濟北郡治也

鄆注 元和志盧縣濟水在縣東二十七里臨邑縣濟水西去縣四十里

又東北與中川水合

水經

水東南出山荏縣之分水嶺谿一源兩分泉流半解

亦謂之分流交半水南出太山入汶半水出山荏縣

西北流東逕太原郡南郡治山荏西北與漢賓谷水

合水出南格馬山漢賓谿北逕盧縣故城北陳敦成

南西北流與中川合謂之格馬口其水又北逕盧縣

故城東而北流入濟俗謂之為沙溝水

鄆注 山荏故城在今長

清縣東北元和志豐齊縣濟水東去縣二十
六里豐齊屬齊州故山在天寶二年改名

又東北右會玉水

水經

導源太山朗公谷西北逕獵山東又西北枕祝阿縣
故城東野井亭西俗謂是水為祝阿澗水北流注於

濟

鄒注 祝阿故城
亦在長清縣東北

又東北灤水出焉

水經

灤音洛

灤水出歷縣故城西南泉源上奮水涌若輪春秋桓
十八年公會齊侯于灤是也俗謂之為娥姜水也以

泉源有舜妃娥英廟故也其水北為大明湖湖西即
大明寺寺東北兩面側湖此水便成淨池也池上有
客亭左右楸桐負日俯仰目對魚鳥極望水木明瑟
可謂濠梁之性物我無違矣湖水引瀆東入西廓東
至歷城西而側城北注湖水上承東城歷祠下泉源
競發其水北流逕歷城東又北引水為流杯池州僚
賓燕公私多萃其上分為二水右水北出左水西逕
歷城北西北為陂謂之歷水與灤水會自水枝津合

水首受歷水於歷城東東北逕東城西而北出郭又北注灤水又北聽水出焉灤水又北流注於濟謂之

灤口也

鄆注

寰宇記灤水在歷城西南二百步元和

志全節縣濟水在縣北四十里今濟南府治歷

城縣東有東平陵故城漢縣唐貞觀中改名全節屬齊州曹鞏齊州二堂記曰泰山之北與齊東南諸谷之水西北合於黑水之灣又西北會於柏崖之灣而至於渴馬之崖蓋水之來也衆其北折而西也悍疾尤甚及至於崖下則泊然而止而自崖以北至於歷城之西蓋五十里而有泉涌出高或至數尺其旁之人名之曰趵突之泉齊人皆謂嘗有棄糠於黑水之灣者而見之於此蓋泉自渴馬之崖潛流地中而至此復出也其注而北則謂之灤水達于清河以入于海舟之通於濟者皆於是乎達也齊多甘泉其顯名者十數而色味皆同以余

驗之蓋皆滌水之旁出者也齊乘曰今府城西平地泉源盛涌聲如隱雷旁合馬跑金線諸泉周可數畝北出又合密脂五龍衆泉並城北流屈而東至城北水門大明湖水出注也又曰濟南名泉碑論七十二泉逮至中宮靈巖諸泉具載而華不注之華泉明水鎮之明泉皆失不取況其名亦未雅稱蓋殘金俗筆也

又東北逕華不注山

水經

單椒秀澤不緣丘陵以自高虎牙桀立孤峰特拔以刺天青崖翠發望同點黛山下有華泉故京相璠曰春秋土地名曰華泉華不注山下泉水也左傳成二年齊頃公與晉卻克戰于鞍齊師敗績逐之三周華

不注逢丑父與公易位將及華泉驂絰於木而止即

華水也北絕聽瀆二十里注於濟

鄆注 元和志華不注一名華山在

歷城縣東北十五里不讀如字

又東北過臺縣北

水經

巨合水南出雞山西北逕巨合故城又北合關盧水

關盧水道源馬耳山北逕博亭城西西北流至平陸

城與武原水合水北逕譚城東又北逕巨合城東合

關盧水而出注巨合水西北逕臺縣故城南西北流

白野泉水注之又北聽水注之水上承灤水東流北

屈又東北流注於巨合水亂流又北入於濟

鄆注
今歷城

縣東北有

臺縣故城

又東北合芹溝水

水經

水出臺縣故城東南西北流逕臺城東又西北入於

濟水

鄆注

又東北過管縣南

水經

濟水東逕縣故城南納百脈水水出土鼓縣故城西

源方百步百泉俱出故謂之百脈水其水西北流注

於濟

鄒注

今章丘縣西北有管縣故城隋改置臨濟唐屬齊州元和志臨濟縣濟水在縣南二十

里章丘縣濟水在縣西去縣十七里舊志云小清河在章丘縣北三十里土鼓縣漢屬濟南郡與梁鄒管

縣相毘在今章丘鄒平之間其故城不知所在

又東過梁鄒縣北

水經

瀧水南出長城中北流至般陽縣故城西南與般水會瀧水又西北至梁鄒東南與魚子溝水合瀧水即古袁水也故京相璠曰濟南梁鄒縣有袁水者也瀧

水又西北逕梁鄒縣故城南又北屈逕其城西而北

注濟其城之東北又有時水西北注焉

鄒注 元和志濟陽縣濟

水在縣南長山縣濟水在西北去縣三十五里鄒平縣濟水在北去縣三十五里梁鄒故城唐置濟陽縣屬淄州今為鄒平縣治其唐之鄒平縣城則割入今齊東縣界金志長山新城二縣西北並有小青河新城本漢高苑其故城在今縣東

又東北過臨濟縣南

水經

縣故狄邑也漢永初二年改名臨濟晏謨齊記曰有

南北二城隔濟水

鄒注 今高苑城西南有臨濟故城元和志高苑縣濟水在北去縣

七十步

又東北迤為淵渚謂之平州

水經

地理志千乘郡有平安縣侯國也應劭曰博昌縣西南三十里有安平亭故縣也世尚存平州之名矣濟水又東北逕高昌縣故城西又經薄姑城北城在臨

菑縣西北五十里近濟水又東北逕狼牙固西

鄉注今

高苑縣東南十里有麻大泊一名魚龍灣周五六十里蓋即古濟水所匯之平州也高昌縣故城在今博興縣西南薄姑城在今博興縣東北蒲姑城是也狼牙固無考

又東北過利縣西

水經

王莽之利治也晏謨曰縣在濟城北五十里

酈注
今博興

縣東有利

縣故城

又東北逕樂安縣故城南

水經

班固曰千乘郡有東安縣應劭曰取休令之名矣

酈注
樂

安故城在今博興縣東北隋改樂安曰博昌五代唐改曰博興元和志博昌縣濟水在北去縣百步此經舊在高昌下今據薄姑利縣俱南直臨淄而樂安故城在博昌縣東北則此經乃錯簡故移置於此

又東北過甲下邑

水經

濟水東北至甲下邑南東歷琅槐縣故城北地理風俗記曰博昌東北八十里有琅槐鄉故縣也山海經曰濟水絕鉅野注渤海入齊琅槐東北者也又東北河水枝津注之水經以為入河非也斯乃河水注濟

非濟入河

鄆注今青州府樂安縣東北一百
十里有琅槐故城漢縣屬千乘郡

又東北入海

水經

郭景純曰濟自滎陽至樂安博昌入海今河竭濟水仍流不絕經言入河二說並失然河水於濟漯之北

別流注海今所輟流者唯漯水耳郭或以為濟注之

事實非也尋經脈水不如山經之為密矣

鄭注 勃海在今樂

安縣東北一百三十里東接奇光縣界北接利津縣界樂安本漢廣饒鉅定二縣屬齊郡其故城並在今

縣東北後漢省琅槐入博昌故杜預郭璞皆言濟水全博昌入海

以今輿地言之自東平會汶以下東阿平陰

並屬山東兗州

府長清齊河歷城章丘鄒平長山新城

並屬濟南府

高苑

博興樂安

並屬青州府

諸縣界中皆禹貢濟水入海之所

經也

濟水自東平以下唐人謂之清河按戰國策

燕王謂蘇代曰齊有清濟濁河以為固郭緣生曰清
河首受洪水北流濟或謂清則濟也酈道元曰濟水
通得清之目此清河之名所自來也至宋又有南北
清河之名河渠志云熙寧十年河決澶州徙而南東
滙於梁山張澤灤分為二派一合南清河入於淮一
合北清河入於海南清河即泗水北清河即濟瀆也
南渡後北清河又有大小之分蓋自劉豫導灤東行
始齊乘以大清河為古濟水小清河為豫所創志家

皆沿其說黃子鴻非之曰以水經注元和志寰宇記
諸書考之濟水最南漯水在中河水最北今者小清
所經自歷城以東如章丘鄒平長山新城高苑博興
樂安諸縣皆古濟水所行而大清河所經自歷城以上
至東阿固皆濟水故道而自歷城東北如濟陽齊東
青城諸縣則皆古漯水所行蒲臺以北則故河水所
經蓋宋時河嘗行漯瀆及河去則大清河兼行河漯二
瀆其小清所行則斷為濟水故道也渭按子鴻此言

正三百餘年積傳之謬蓋清河所行本濟瀆不知何時從厯城東北決而北入濟陽縣界與漯水合而清河之名遂被於漯據水經漯水逕著縣故城南著即今濟陽而縣南有大清河是知大清即漯其水自厯城入濟陽乃近世之所決非唐清河入海之故道也濟陽之流日盛則章丘之流日微故劉豫堰漯水使

東以益之

齊乘云大清河自齊河縣又北經厯城上
灤橋北灤水分響河入焉又東北逕華不

注山陰又東逕下灤堰漯水舊入濟處堰南即小
清河按響河即聽水也此大清河猶足濟之故瀆其

所行者實濟水故道而志家反以濟陽之大清河為古濟舛錯殊甚不有子鴻其誰正之然大清自歷城入濟陽及濱州以東入海之道不知決於何年意者宋熙寧時河嘗合北清河入海始開此道其後金明昌五年河復由此入海久而後去流益深廣此大清之所以浩浩而小清之所以屢濬屢塞也與水經叙濟水自滎陽以下原委甚悉杜預春秋釋例曰濟自滎陽卷縣東經陳留至濟陰北經高平東經濟北

東北經濟南至樂安博昌縣入海郭璞注山海經畧
同酈道元依水經以立注出河之濟又加詳焉是由
東漢以迄後魏濟未嘗一日絕也唐人則據司馬彪
之言以為自王莽後河南不復有濟水太子賢注後
漢循吏傳曰濟水東流逕溫縣入河度河東南入鄭
州又東入滑曹鄆濟青等州入海王莽末旱則枯涸
但入河內而已杜佑通典曰濟水因王莽末旱渠涸
不復截河過今東平濟南淄川北海界中有水流入

於海謂之清河實荷澤汶水合流而曰濟河蓋因舊
名非本濟水也元和郡縣志曰濟水自王莽末入河
同流於海知河南之地無濟水矣自後所說皆襲舊
名如鄆州之須昌濟州之長清盧縣齊州之臨邑豐
齊全節臨濟章丘淄川之濟陽長山鄒平高苑青州
之博昌諸縣界中並有濟水其後則不經博昌而改
從棣州之蒲臺入海是皆襲舊名而實非濟也渭按
鴻溝既開河水與滎濟相亂及滎澤塞為平地則河

南無涓滴之濟矣水經之所謂濟者皆滎陽下所引之河水也而杜預京相璠郭璞酈道元輩皆莫能辨唐人始知之所見遠過於前但以為河南之濟由王莽末旱枯而絕則非以余考之旱枯之事郡國志繫河內溫下酈注亦於溫縣濟水故瀆下言之其所云枯後復通津渠勢改者謂濟水自溫縣入河不復東至武德耳而滎陽以下絕無一字道及殆與河南之濟無涉釋例自卷縣博昌而外畧舉郡名故與水經

不同孔穎達以爲水流之道今古或殊杜據當時所見言之與水經乖異非也晉時濟水之道實與漢世不殊文有詳畧非枯後復通津渠勢改也若夫唐之清河自須昌以下所受唯荷汶則又有其故矣蓋天寶後汴水堙廢濟渠亦無所受荷澤以西竟成斷港故元和志云濟自須昌始而通典云濟河實荷汶之合流其所謂荷者即五丈溝之水西自考城來者也迨元人開會通河引汶絕濟以資運道明永樂中又

於古四汶口之地築戴村壩遏汶使西南流

汶水自是盡出

於汶上西南至南旺入漕四分南流出上閘接沂泗六分北流出下閘抵漳衛惟小鹽河一

綫洩入清河

小鹽河在今東阿縣西南二十里即運河所洩汶水支流也

清河賴

諸山泉溝澤以成其川并無蒔汶之可言矣而志家

猶執清河以為禹貢之濟水不亦過乎或又云山左

諸泉實皆濟水溢為大小清河濟雖絕而不絕也然

此等指為濟水則可以是为滎澤陶丘之遺跡可乎

哉東漢後河南無濟水斯為定論紛紛筆舌徒滋來

學之惑無為也 濟瀆之水自周以來凡數變初為

濟及導滎為川則滎與濟合鴻溝既開滎瀆為河所
亂及滎澤又塞則所行者惟河水矣汴渠不通則鉅
野以北所行惟荷汶戴村已築則東阿以下所行唯
山泉溝澤之水其號為濟者襲舊名而已濟瀆入海
之道自唐以來亦數變初經高苑縣北又東北至博
昌入海其後則不由博昌通典云舊濟合在今博昌
縣界今無元和志蒲臺縣下云海在縣東一百四十

里海畔有一沙阜俗呼為鬬口淀是濟水入河處海潮與濟相觸故名蓋其時濟水改道從蒲臺東北與河渾濤而入海也宋南渡後劉豫導濬水東行入濟水故道為小清河仍經高苑縣北至樂安縣入海及金皇統中縣令高通改由縣南長沙溝至博興合時水又東北至樂安由馬車瀆入海

濬在縣東北五十里今為高家港

其後小清之上流堙塞鄒平長清新城界中故瀆皆為濬河所行濬河即楊渚溝水寰宇記所稱獺河者

也歷城新志云小清河自明永樂後漸至堙塞成化九年嘗濬治之嘉靖十二年又塞乃復濬博興以西達於歷城幾三百里久之復淤蓋小清惟恃濬水為源堰東有阻則濬水仍自華不注東北入大清河屢濬屢塞職是故也水經所叙濬同而水異水異故李弘憲云河南無濟水濬同故黃文叔云禹迹賴此而猶存言非一端各有所當今與人論濟水苟以為無則羣指七十二泉大小清河以相難若以為有則又

據杜佑之說詆水經不當襲舊名為濟明道謂與公
言如扶醉人扶得一邊起又倒却一邊真可笑又可

憎也

禹貢錐指

有問濟水枯而復通畢竟在何時予曰考王景傳曰
初平帝時河汴決壞未及得修建武十年陽武令張
汜上言河決積久日月侵毀濟渠所漂數十許縣逮
後三十五年汴渠成明帝巡行下詔曰河汴分流復
其舊迹陶丘之北漸就壞墳此汴壞而濟亦壞汴治

而濟亦治之徵也又考晉書傳祇傳武帝時為滎陽
太守自魏黃初大水後河濟汎濫鄧艾常著濟河論
開石門而通之至是復侵壞祇乃造沈棗堰兗豫無
水患郄超傳太和中桓溫將伐慕容氏引軍自濟入
河超諫曰清水入河無通運理毛穆之傳溫使穆之
鑿鉅野百餘里引汶會於濟此豈竟枯絕者哉大抵
王莽世天災雖甚然皆不遠而復如王橫言天嘗連
雨東北風海水溢西南出寢數百里九河地已為海

所漸矣今九河故迹故具在酈氏言濟當王莽之世
川瀆枯竭後水流逕通予謂此班氏注於垣縣云王
屋山沆水出東南至武德入河軼出滎陽北地中又
東至琅槐入海過郡九行千八百四十里蓋以目驗
者言也祇緣司馬彪下語太重若改遂枯絕為曾枯
絕則是矣 大清一統志大清河在厯城縣北自齊
河縣流入又東北入濟陽縣界其上流即古濟水也
小清河在厯城縣北即古濰水也臣按自漢至隋唐

惟有濟水杜佑始有清河之名宋南渡後始有大小
清河之分今者小清所經自厯城以東如章丘鄒平
長山新城高苑博興樂安諸縣皆古濟水所行而大
清所經自厯城以上至東阿固皆濟水故道而自厯
城東北如濟陽齊東青城諸縣則皆古漯水所行蒲
臺以北則古河水所經蓋唐宋時河行漯川其後大
清兼行河漯二川其小清所行則斷為濟水故道也

潛丘劄記

行水金鑑卷八十二

欽定四庫全書

行水金鑑卷八十三

江南按察使傅澤洪撰

濟水

漢建安九年春正月濟河過淇水入白溝以通糧道三

國志

北齊河清元年四月濟溢

河南通志

帝高宗也東封泰山以許敬宗領使次濮陽帝曰書稱浮

于濟漯今濟與漯斷不相屬何故而然對曰夏禹導沆
水東流為濟入于河今自濟至溫而入河水自此汴地
過河而南出為滎又汴而至曹濮散出於地合而東汴
水自南入之所謂汴為滎東出于陶丘北又東會于汶
是也古者五行皆有官水官不失職則能辨味與色潛
而出合而更分皆能識之帝曰天下洪流巨谷不載祀
典濟甚細而在四瀆何哉對曰瀆之言獨也不因餘水
獨能赴海者也且天有五星運而為四時地有五嶽流

而為四瀆人有五事用而為四支五陽數也四陰數也
有奇偶陰陽焉陽者光曜陰者晦昧故辰隱而難見濟
潛流屢絕狀雖微細獨而尊也帝曰善敬宗退矜曰大
臣不可無學

唐書許敬宗傳

宋乾德三年十月丙寅濟水溢鄒平

宋史太祖本紀

師中知濟兗二州濟水堙塞久師中訪故道自兗城西

南啟鑿之功未半而去

宋史李師中傳

古說濟水伏流地中今歷下凡發地皆是流水世傳

濟水經過其下東阿亦濟水所經取濟水煮膠謂之
阿膠用攪濁水則清人服之下膈疎痰止吐皆取濟
水性趨下清而重故以治淤濁及逆上之痰今醫方
不載此意

夢溪筆談

元至正二年六月癸丑夜濟南山水暴漲衝東西二關
流入小清河黑山天麻石固等寨及卧龍山水通流入
大清河漂没上下居民千餘家溺死者無算

元史順帝本紀

濟之性勁源於晉伏流地中乍見乍伏一支穿太行

為百泉為衛水一支為濟源出山東為七十二泉

空

同子

濟因會通河借水通漕而其流竟莫可考

古言

禹貢濟河惟兗州又道沆水東流為濟入于河溢為
滎東出于陶丘北又東至于荷又東北會于汶又北
東入于海周官兗州其川河濟是已水經注及山海
經云濟水出河東垣縣王屋山初名沆水東出溫縣
西北始名濟水又東南流當鞏縣之北而南入河與

河並流過成臯溢出為滎水東流過陽武及封丘縣
北又東過冤朐縣南至定陶縣南又東北流與菏水
會東至乘氏縣西分而為二其一東北入鉅野澤過
壽張西與汶水合又北過穀城縣西又東北過盧縣
北經齊郡東萊郡而入海也唐李賢謂濟自鄭以東
貫滑曹鄆濟青以入于海宋樂史謂東平濟南淄川
北海界中有水流入海謂之清河今按濟水在漢時
伏流不見惟汶水自泰安州出者由故道東北流入

海自元人引汶水入洸為運河明因之凡汶水入海處皆築堰壩以遏其流而入海之道遂多湮塞今所謂大清河者乃汶水出洸河者復從張秋分流而入會徐東南諸山泉溝澤北經長清齊河至厯城會濼水經濟陽齊東武定青城濱州蒲臺利津諸州縣界入海實濟河之故道也所謂小清河者即濼水發源

濟南趵突諸泉

趵突泉在府城西一名爆裂流平地泉湧高或至數尺蓋濟水伏流至此而發濼

水之源也由東北至小清河入海宋曾鞏二堂記曰按圖泰山之北與齊之東南諸谷之水西北匯於黑水之

灣又西北匯於柏崖之灣而至於渴馬之崖蓋水之來也衆其北折而西也悍疾尤甚及至於崖下則泊然而止而自崖以北至於厯城之西蓋五十里而有泉湧出高或至數尺其旁之人名之曰趵突之泉齊人皆謂嘗有棄糠於黑水之灣者而見之於此蓋泉自渴馬之崖潛流地中而至北復出也趵突之泉冬溫泉旁之蔬甲經冬常榮故又謂之溫泉其注而北則謂之灤水達於清河以入於海舟之通于濟者皆於是乎出也齊多甘泉冠於天下其顯名者以十數而色味皆同以予驗之蓋皆灤水之旁出者也灤水嘗見於春秋魯桓公十有八年公及齊侯會于灤杜預釋在厯城西北入濟水自王莽時不能越河西南灤水之所入者清河也蓋預失之金線泉在府城西北石甃方池泉亂發其下東注城壕澄澈見底波心南北有金線一道隱起水面珍珠泉在府城內有二南珍珠泉在鐵佛巷街東今淤北珍珠泉在都司西北白雲樓前後規入德府城中泉爆起

粒粒如珍珠匯為古明湖 按一統志濟南名泉七十
二趵突為上金線珍珠次之其餘不能與三泉侔矣今
按趵突金線珍珠杜康舜泉舊志已收其曰皇華曰柳
絮曰卧牛在金線東曰東高曰南漱玉北漱玉在金線
南曰無憂曰石灣在趵突南或云在欄前西南曰酒泉
曰湛露在無憂西曰蒲井曰煮糠在趵突北曰散水曰
溪亭在北珍珠東曰劉氏曰濯纓在北珍珠西曰灰泉
在濯纓西北曰知魚在灰泉東南曰硃砂在灰泉西曰
白雲在劉氏南曰登州曰望水在萬竹園內曰洗鉢在
登州東北曰淺井曰馬跑在洗鉢西南曰香泉在舜泉
西曰鑑泉在舜泉南或云即檻泉也曰金虎在李承務
巷或云即黑虎也曰東密脂在金虎西南曰西密脂在
東密脂西曰孝感在孝感坊內曰玉環在布政司前曰
羅姑在塔巷街東曰混沙曰灰池在城西南角場下曰
芙蓉在姜家亭前曰滴水在西務北曰灰灣曰賢清在
城西五龍堂東曰雙桃在城西丁字街北曰溫泉在城

西石橋北城下曰汝泉在神童寺內曰龍門在神童寺東曰染池在龍門東曰懸泉在中宮東或云在龍洞口曰都泉在中宮鎮東南曰柳泉曰車泉在中宮東曰煮糠在四里山南曰爐泉在南山下曰甘露在大佛山曰林汲在佛谷內曰白泉在玉舍莊北五里曰金沙曰白龍在龍洞山曰花泉在張家泊曰獨孤在靈巖寺或云在天麻嶺下曰金泉在章丘巒堂嶺或云即醴泉也北曰澗水在龍山鎮東南曰南煮糠在螭山窩北曰苦苣在柳鋪東一名蒿苣曰熨斗在梨峪門家莊曰鹿泉在石固寨曰龍居在章丘長城嶺西合鈞突諸泉及章丘百脈泉總七十二見名泉碑齊乘曰濟南名泉碑論七十二泉遠至中宮靈巖諸泉具載而華不注之華泉明水鎮之淨明泉皆失不取況其名亦未雅稱蓋殘金俗筆也永樂間山東僉事晏璧作七十二泉詩具泉名視名泉碑所載間亦不同蓋歲久泉源淤塞者多好事附會訛傳固亦不足辨云

流至城北古明

湖

湖在府城內西北隅源出歷下諸泉一名西湖其地占三之一由北水門出流注大小清河入海按鄆道

元水經注濼水北為古明湖湖水引濼東入西郭而側城北注又上承東城歷下泉源競發北流出郭一統志源出舜泉今按濼水遠城北流向東不入城舜泉亦止成一井不流惟北珍珠濯纓諸泉今在德府內者北流入古明湖而自北水門出注濼水如舊豈湖中自有泉源暗發人不及見耶今湖多為民居填塞治圖夾蘆為沼小舟僅通曲港而蔬果蓮藕菱芡魚蟹之利民頗資之

出而合之由華不注山下

東流會巨合水

水在府城東七十里東源曰榆科泉西源曰江水泉北流各五里合小清河

又東經章丘會清河

河在章丘縣東一里即繡江也源發會仙山下合百脈泉及東西二

麻灣泉西北匯為白雲湖流入小清河

又會濼河

河在章丘縣東七里齊乘作獺河一名楊緒水

源出長白山之王村峪西
北流至柳塘口入小清河

三水合流經鄒平長山新城

又會孝婦河

河在淄川縣西門外源出青州益都縣顏神鎮合龍萌二水北經長山新城縣界流

入小清河

又東經高苑入博興樂安界合於烏河

河在新城縣東三十

里源出益都矮槐樹北即時水也亦作耐水流
入小清河舊志謂時水在陽信縣城西者非

又北至

馬車瀆入海或云古濼水自華不注山東北入為大清

河自偽齊劉豫道之東行始為小清河云

大清河即濟水故道濟水

伏流不見汶水自泰安州出者由故道自寧陽界西南
流至汶上縣北泗汶村至東平州西北流入東阿縣
界又東北經長清齊河歷城濟陽齊東武定青城濱州
蒲臺利津等州縣入海自元時於寧陽縣東築堽城壩

過汶水入洸以通運河明永樂間又於東平州東築戴村壩盡過汶水入會通河於是入海之道多塞汶水既入運河者又從張秋分流復由故道會諸州縣溝泉之水合小清河東北注海小清河一名濰水源發府城西趵突泉由華不注山下東行會巨合水又東經章丘會清河又會濰河合流經鄒平長山新城又會孝婦河又東經高苑博興至樂安馬車瀆入海俗名鹽河按古濰水自華不注山東北入大清河偽齊劉豫乃導之東行為小清河今海運久廢河道漸淤其水復自華不注東北入於大清河而小清河所受止鄒平而下潄山泊河白條溝鄭黃溝考又按酈道元謂濟水在王莽時枯婦河烏河諸流而已

竭鄭樵通志亦曰濟水多涸竭自今觀之濟水勁疾能穴地伏流隱見無常乃其本性非真涸竭也濟水

既伏流地中則發地皆泉又不特厯下諸邑為然是故一見為濟源再見為滎水又見為山東諸泉水而溢為大小清河其實皆濟水也又何嘗見其枯竭邪淮南子曰濟水通和宜麥周官曰鸛鵒不踰濟風俗通曰濟齊也齊其度量劉向說苑稱濟能蕩滌垢濁通百川於海蕩出雲雨則濟水之德又古今所並稱

云

山東通志

四瀆水之易變者莫若河變而至於絕者莫若濟子

嘗討論濟瀆積至五載始評以二言曰新莽後枯而復通唐高宗前通而復枯咸出天數夫豈人謀蓋後漢郡國志曰濟水王莽時大旱遂枯絕者此初絕也酈注濟水條曰其後水流逕通津渠勢改故杜釋春秋郭注山經並云今濟水至博昌入海者此復通也章懷太子賢循吏傳注曰濟水王莽末旱因枯涸但入河內而已似素不知有中古復通之事者此終絕也

潛丘劄記

濟水三伏三見與夫南北大小清河拙明先生辨之
詳矣至引或說謂山左諸泉實皆濟水溢為大小清
河其說本之山東通志具有確見則濟水伏流發自
地中者豈獨七十二泉哉春秋襄十八年會于魯濟
莊三十年遇于魯濟注濟水歷齊魯界在齊界為齊
濟在魯界為魯濟由此觀之今濟南府之新泰萊蕪
二縣泰安州肥城縣兗州府之平陰縣東平州汶上
寧陽泗水曲阜滋陽五縣濟寧州魚臺鄒滕嶧四縣

青州府之蒙陰縣皆有泉濟南青州皆齊地兗州魯地齊魯之界皆有泉則皆是濟水矣故將各州縣之

泉臚列如左

小谷口舊藏

東平州泉十四

舊九新五

安園泉吳家泉張胡郎泉小黃泉

新大黃泉

新

王老溝泉席橋泉淨泉

新

源泉

新

杞頭泉獨山泉鐵鈎背泉坎河泉

俱入汶舊有徐家莊灰蘆三泉今廢

汶上縣泉三

舊二新

龍鬬泉灤當山泉雞爪泉

新俱入汶舊有馬莊

泉今廢

平陰縣泉一

舊

柳溝泉

入汶

滋陽縣泉八

舊四新四

東北新泉關黨泉古溝泉

新

負假泉上蔣詡泉

新

下蔣

詡泉

新

西北新泉驛後新泉

新俱

入濟

鄒縣泉十二

舊八

新四

鱈眼泉程家莊泉

新

孟母泉陳家溝泉白馬泉岡山泉

黃港溝泉

新

淵源泉柳青泉馬山泉

新

勝水泉

新俱入

白馬河

二角灣泉

入魯橋河舊有

白莊泉今廢

曲阜縣泉二十

舊十七

橫

溝泉埠下泉新安泉變巧泉

俱入

青泥泉柳青泉車輞

泉遠泉茶泉雙泉曲水詠歸泉溫泉連珠泉新泉曲溝

泉濯纓泉鄒村泉

新

文水泉

新

柳莊泉

新俱

入沂蜈蚣泉

會

眼泉入白馬河舊
有潺聲泉今廢

泗水縣泉五十三

舊三十新
二十

趵突

泉珍珠泉淘糜泉黑虎泉

四泉俱出陪尾山林
泉寺左會為泗源

繁星泉

白石泉

新

蓮花泉新開泉

新

響水泉紅石泉甘露泉

七泉

在林泉寺南會
趵突等泉入泗

下莊泉三台泉

新

湧珠泉石露泉

新

露新泉

新

奎聚泉

新

琵琶泉

新

七泉俱會趵
突等泉入泗

潘波舊泉

潘波新泉

新

黃陰泉吳家泉杜家泉曹家泉蔣家泉里

潞溝泉

新

石井泉

新

鮑村泉合德泉

新

趙家泉龜陰泉

龜眼泉

新

龜尾泉

新

東巖石縫泉珍珠泉

在縣東南
尚舒杜

黃

溝泉岳陵泉石河泉壁溝泉小玉溝泉大玉溝泉蘆城

泉西巖石縫泉三角灣泉雪花泉新新聞第二泉新天

井泉新醴泉新醴前泉新七里溝泉新馬莊泉新馬跑

泉新魏莊泉新俱入泗滕縣泉十八舊十五北石橋泉三

里橋泉大烏泉絞溝泉趙溝泉荆溝泉趵突泉劉家溝

泉新南石橋泉玉花泉魏家莊泉新三山泉黃溝泉白

山泉新溫水泉黃家溝泉俱轉入南三界灣泉龍灣泉

二泉挑嶧縣泉五舊三許有泉溫水泉搬井泉新俱入新河

南陽新河許池泉龍王泉新俱入邳州河寧陽縣泉十二舊龍魚

泉龍港溝泉魯姑泉濼當泉俱入汶蛇眼泉會諸泉入漕河經洸濟出

天津張家泉井泉三里溝泉古泉柳泉俱會蛇眼等泉入漕河金

馬莊泉古城泉俱入漕河魚臺縣泉十四舊五新九東龍泉平

山泉古泉新廉家潭泉新西龍泉聖母泉新黃良泉廟

前泉滕家泉新河頭泉新高家東泉新高家西泉新陳

家泉新中溢泉新俱入南陽新河濟寧州泉三舊蘆溝泉入南

陽開拓基泉入棗林開河馬陵泉入魯橋開河泰安州泉三十

八

舊三十
五新三

板橋灣泉皂泥溝泉鯉魚溝泉范家灣泉鐵

佛堂泉清泉周家灣泉風雨泉馬兒溝泉梁子溝泉

新

木頭溝泉龍灣泉張家泉梁家莊泉上泉馬蹄溝泉臭

泉朔港溝泉水磨泉狗跑泉報恩泉陷灣泉胡家港泉

馬黃溝泉龍王泉濁河泉斜溝泉羊舍泉顏謝泉北滾

泉順河泉韓家莊泉

新

力溝泉東柳泉神泉

新

西柳泉龍

堂泉水波泉

俱入
汶

新泰縣泉十四

舊十二
新二

南陳泉魏

家泉南師家泉名公泉

新

張家泉公家莊泉孫村泉西

周泉名灣泉

新

和莊泉西都泉古河泉劉杜泉靈查泉

俱入汶舊有北鮑泉及北流泉萬歲泉今廢

肥城縣泉九

舊五新四

清泉拖車

泉

新鹽河泉董家泉

新

臧家泉吳家泉王家泉開河泉

新

馬房泉

新俱入汶

萊蕪縣泉十六

舊十一新五

小龍灣泉湖

眼泉蓮花池泉郭娘泉牛王泉鵬山泉烏江岸泉鎮里

泉趙家莊泉王家溝泉半壁店泉海眼泉

新

雪家莊泉

新水河泉

新

魚池泉

新

新興泉

新俱入汶

蒙陰縣

舊有泉河順德

伏牛峪官橋卞家莊五泉俱入邳州河今廢

沂水縣

舊有單家銅井芙蓉上泉盆泉灰泉大泉

小水雪王臺龍王堂共十泉
俱入邳州河今廢 明會典

濟水源出王屋山伏見不常其流遂分南北汶合北
濟故道以入海而元人自安民山開河由壽張北至
臨清謂之引汶絕濟迨明初遏汶全流從南旺分水
屈曲西北達臨清為運道直奪大小清河東北出海
故道即所謂北濟也泗合南濟故道以入淮元人於
堽城之左作斗門遏汶南流至任城謂之引汶入濟
迨明初遏汶諸流別從金口東穿兗州府城西出納

關黨等泉至濟寧城東會洸流入天井閘今府城會河俗謂之府河亦謂之濟河是關黨諸泉即濟水伏見之源濟寧相近現行漕河河身左右渠流皆所謂泗合入淮之南濟也諸泉之由濟入運者在北則有汶上西北灤濮蒲灣諸水在南則有滋陽之關黨等泉汶水之源有三一發泰山僊臺嶺一發萊蕪原山陽一發萊蕪寨子村會泰山諸泉至靜封鎮合而為一謂之大汶口轉西南與小汶河合小汶源出自

新泰官山下西流至徂徠山陽入大汶合流至寧陽
西北分而為二其一為元人所改由堽城南流別為
洸水其一由堽城西流至東平州東五十里會坎河
諸泉至泗汶口而分其西流者入大清河由東阿而
北至利津入海此故道也明永樂中濬會通河乃移
堽城壩於青川驛以遏其入洸之流於坎河之西築
戴村壩以遏其入海之路使其全流盡出於汶上城
北二十五里受濬湍諸泉謂之魯溝又西南流至城

北二里受蒲灣泊水謂之草橋河又西南流十里謂之白馬河又西南流二十里謂之鷺河鷺河者故宋之運道也涸而為渠汶水由之又西南十五里謂之黑馬溝又西南至南旺入於漕南流者十之三四北流者十之六七是為分水口諸泉之由汶濟運者凡百四十有新泰二十五萊蕪二十四泰安四十七肥城九平陰二寧陽四東平二十五汶上六蒙陰二洸水即汶之支流汶水經寧陽之北元人既為水

門於堽城之左過之益泗復為閘於奉符導之為洸
蓋時未知分水南旺即於濟寧會源閘分水故為會
通河之源者即洸也明初過汶全流西北從南旺分
水仍於寧陽壩西十里增築新壩一座於其南別開
河十里浚之南流以存洸一線其後為積沙所壅更
於洸北作東西二閘以導閘西之柳泉使穿東閘出
北會寧陽縣南蛇眼等泉環流仍入東閘以歸於洸
西南流至濟寧會泗沂合流同入天井閘濟運諸泉

之由洸入運者惟寧陽之西柳蛇眼等九泉 泗水源出於陪尾山下四泉同發故曰泗水因以名其縣四泉合而成流西南行經卞城其西有泉數十自縣之南境北流入之又有泉數十自縣之北境南流者入之自此西過其縣北又西過曲阜城北五里分為二流北為洙瀆流繞聖墓之前而泗水繞其後皆過孔林西復合為一西至兗州府城東五里金口閘東沂水雩水入之諸泉之由泗入運者本縣五十九曲

阜五 沂水源出尼山麓過曲阜南而東來雩水出
曲阜南馬跑泉過鄒縣境而東來同謂之沂水沂即
合泗於金口壩東復為二流其十之九即下金口壩
南由濟寧境入魯橋閘其十之一入兗州府城出西
門外納闕黨蔣詡七泉合流六十里至濟寧城東復
屈從南會於洸水入天井閘諸泉之由沂入運者曲
阜十九滋陽八而濟寧之托基洸筆等泉自入運者
不與焉

山東全河備考

新泰縣

蒼巖云新泰古平陽地春秋宣八年城平陽即此晉置新泰縣取新甫泰山之義南接洙

泗東瞰淄青西瞻泰岱北枕新甫谿山峻隘據東南之勝焉今屬濟南府

南師泉距縣東

北十五里出山坡石縫中自南師店北起東流長一

里入南師會河 魏家泉距縣東北三十里出山坡

石縫中自三山莊東流長一里入南師會河 高峪

泉距縣北三十里出土中自北師莊迤北南流長一

里入南師會河 路踏泉距縣東北四十里出石縫

中自孤山莊迤北南流長五里入南師會河 名公

泉距縣東南三里出名公村沙土中自果元莊迤西
西南流長二里入南師會河 張家溝泉距縣南十
里出土中自名公莊迤西南流一里五十步入南師
會河 嘯泉距縣南三里出土中自大窪莊前流長
五里入南師會河 已上七泉俱入南師會河南師
河自高峪鋪流至小汶長五十里

以下俱山東全河備考

北陳泉距縣東南十里出平地土中自北陳莊流長
五里入嵒山會河 南陳泉距縣東南十五里出沙

土中自南陳莊流三里入螯山會河 北鮑泉距縣
東南十里出北鮑莊沙中自陵溪莊流長五里入螯
山會河太公泉距縣東北三十里出太公峪沙土中
自陵溪莊南流五里入螯山會河 已上四泉入螯
山會河螯山河距縣東八里自陵溪莊流至小汶六
十里

新西周泉距縣西北十五里出沙土中自西周莊流
長一里入西周會河 西周泉距縣西北八里出沙

土中自西周莊流長一里半入西周會河 杏山泉
距縣西北十里出杏山西坡下流長八十五步入西
周會河 金溝泉距縣西北十里出土中自杏山西
北流長一里入西周會河 公家莊泉即龔家莊泉
距縣西南八里出石縫中自公家莊東流長二里入
西周會河 賈周泉距縣西南十里出土中自公家
莊南流長八十五步入西周會河 已上六泉入西
周會河西周河自魏胡山流至小汶長四十五里

周家泉距縣西北三十五里出周家莊土中自青萊
嶺流長五里入崖頭會河 崖頭泉距縣西北三十
里出土中自崖頭莊東流長二里入崖頭會河 構
溝泉距縣西三十里出土中自構上村流長二里入
崖頭會河 已上三泉入崖頭會河崖頭河自青萊
嶺流至小汶七十五里

和庄泉距縣西北五十里出和莊村沙土中自和庄
南西南流長二里入羊流會河 紅河泉距縣西北

五十里出土中自裏頭城東南流長二里入名灣泉
上源 釣魚臺泉距縣西南五十里出土中自裏頭
城東南流長二里入名灣泉上源 名灣泉距縣西
南四十里自裏頭城東南流長二里入羊流會河
已上四泉共會入羊流會河羊流河自蓮花山前起
至小汶八十里

劉杜泉距縣西南四十里地名泉頭村出高坡石縫
中自雲山寺前流長三里自劉杜渠入廣明河 萬

歲泉即萬松泉距縣西南三十里出劉杜集石縫中
自南流泉莊起西南流十里會劉杜入廣明河 澇
坡泉距縣西南二十里出土中自澇坡莊東流長十
五里入廣明河 已上三泉俱入廣明會河廣明河
自南澇坡太安界起至汶河長七十里

大峪泉距縣東南二十里出土中自大峪莊南流長
一里徑入小汶 柳溝泉距縣南二十里出東都莊
南土中北流一里入小汶 孫村泉距縣西南十五

里出鳳凰莊前石縫中西南流一里入小汶 西都
泉距縣南二十里出西都莊渠石中池名老鼠汪北
流長二里徑入小汶 里橋泉距縣西南二十里長
一里會入古河泉五步會汶 古河泉距縣西南二
十里古河莊出土中志云珠光迸出雨氣遄飛泉之
傑出者流長一里徑入小汶 北流泉距縣西南二
十五里出石縫中寺山莊北流長八里入小汶 劉
都泉距縣西二十里出劉管莊東土中南流長二里


入小汶 黃水灣泉距縣西南四十里出土中瓦窰
頭莊西流長一里入小汶 靈查泉距縣西南七十
里出靈查莊南池土中西北流長一里入小汶 已
上十泉俱入小汶河小汶自蒙陰交界起至泰安州安
家莊止共長一百二十里

按小汶水距縣東四十里源出龍堂山會平陽西南
流入大汶其外諸渠有羊流河源出新甫山右入汶
平陽河源出孤山左經城東始盛南入汶廣寧河源

出周家泉南入汶蘇莊河源出新甫山南入汶廣明
河源出關山北流入汶總由小汶納南師諸泉西南

流云

以上俱山東全河備考



行水金鑑卷八十三

欽定四庫全書

史部
行水金鑑卷八十四至
七

詳校官監察御史_臣王爾烈

刑部郎中_臣許兆椿覆勘

總校官知縣_臣繆琪

校對官庶吉士_臣潘庭筠

謄錄監生_臣張德燾

欽定四庫全書

行水金鑑卷八十四

江南按察使傅澤洪撰

濟水

萊蕪縣

蒼葢云萊蕪古羸地孟子去齊止於羸即此漢置萊蕪縣水經云齊靈公滅萊萊人播流

此谷邑落荒蕪故名東界蒙陰西接泰安北至章丘南隣新泰今屬濟南府

海眼泉距縣

東南六十里出黃山保土中即發寨子村為潞汶河

源也長半里水茂盛通流入汶連珠泉距縣東南

六十里水茂盛長半里通流入汶 坡里泉距縣東

南五十里在碁山保長二里西北入大汶 清泥溝

泉距縣東四十里長半里通流入汶 湖眼泉一名

狐眼泉眼似狐故名距縣東南三十里出顏莊保土

中西南流入汶 朱家灣泉距縣東南二十七里出

黃山保土中北流入汶 張家灣泉距縣東南二十

六里出黃山保土中北流入汶 蓮花泉距縣東南

三十里

一作二十五里

出碁山保山坡下土中西流入汶

已上八泉從縣東入汶

鵬山泉距縣東北二十一里出鵬山麓石縫中即發
响水灣年汶上源也水茂盛長三里西南流會趙家
泉又三里入盤龍河又五里入大汶 趙家泉距縣
東二十四里在鵬山保出古牟城南土中水茂盛長
一里南流至盤龍河入汶 雙龍泉距縣東二十四
里水茂盛長半里至盤龍河入汶 斜里泉距縣東
二十四里長半里至盤龍河入汶 已上四泉東北

來至盤龍河入汶

半壁店泉距縣西三十五里出毛埠保土中西南流入汶
西夾溝泉距縣西三十四里入半壁店泉同入汶
青陽港泉距縣西南三十里長三里北流入汶
賀家灣泉距縣西南四十五里長一里北流入汶
王家溝泉距縣西二十八里出新莊保土中西南流二里半入汶
牛王山泉距縣西南二十五里出南宮保土中蔭泉三長二里半西北流入汶
盧

家莊泉距縣西南二十五里長八十步入牛王山泉
轉流入汶 韓家港泉距縣西南十五里出土中長
一里西北流入汶 郭娘錦泉出石嶺下世傳郭娘
濯錦於此距縣西南十四里長二里半西北流入汶
泉如萬珠噴濺陰泉十九仰出地中者無數入其境
可以忘世為萊蕪諸泉之最 片錦泉距縣西南十
四里長三百二十步水盛北流入汶 坡草泉距縣
西南五里出汶南保土中長一里半北流入汶 遂

馬河泉距縣東三里長二里半南流入汶 小龍灣

泉距縣東北五十五里出蒼山保小嶺下土中曲折

如龍故名長一里至嘶馬河入汶 大龍灣泉距縣

東北四十里水微細長一里至嘶馬河入汶 烏江

岸泉距縣北二十五里出垂楊保沙中長二里西南

會鎮里等泉至嘶馬河入汶陰泉二 北海眼泉距

縣北二十五里長半里水盛入烏江岸泉轉至嘶馬

河入汶 垂楊泉距縣北二十七里長一里水盛入

烏江岸泉至嘶馬河入汶 鎮里泉距縣西北二十
八里出鎮里保平地石縫中長十里上源水微下流
水盛西南流至嘶馬河轉入汶 青橋泉距縣西北
二十五里水茂盛長半里入鎮里泉至嘶馬河轉入
汶 西碧泉離城西北二十五里半水微細長一里
入鎮里泉至嘶馬河入汶 龍興泉距縣西北十五
里出垂楊保沙中長十四里水微細至嘶馬河入汶
已上諸泉入嘶馬河轉入汶

北夾溝泉距縣北三十三里長半里入水河泉今枯
水河泉距縣西北三十三里出垂楊保土中長十
一里水微細至泰安州會河入汶 沙灣泉距縣西
北三十四里長二里半水微細至泰安州會河入汶
助沙泉距縣西北三十五里長一里水微細至泰
安州會河入汶 李家灣泉距縣西北五十八里長
半里水盛至泰安州會河入汶 涼坡泉距縣北六
十里出雪野保長一里入薛家莊泉至泰安州會河

入汶 薛家莊泉距縣北六十里出雪野保長一里
水盛至泰安州會河入汶 黑龍泉距縣西北六十
一里長半里水盛至泰安州會河入汶 老龍泉距
縣西北六十二里水盛長一里至泰安州會河入汶
新興泉距縣西北三十五里出新興保長十里會
魚池等泉西流二十五里至泰安州會河入汶 魚
池泉距縣西北四十五里出舊寨保長三里水盛下
流會新興至泰安州會河入汶 星坡泉距縣西北

六十里長十里水微細至泰安州鯉魚溝入汶大
龍泉距縣西北五十里長一里水盛至泰安州會入
汶已上諸泉入泰安州會河入汶

萊蕪古泉三十五眼額設泉夫一百二十名後緣枯
淤僅存二十五泉而夫亦隨減存九十名近陸續搜
復古泉十處又增新開泉十一處通共泉源四十六
而夫少疏濬竭蹶所宜按泉添夫者也

泰安州

薈叢云春秋之博邑也隋為汶陽博城二縣
地唐曰秦州宋為奉符縣金升泰安州至於

今不改屬濟南府山有泰岱水有汶河泉源六十餘處而州之疆域北歷城南寧陽泗水東萊蕪蒙陰新泰在其東南肥城在其西北

鳳凰泉距州東四十里地名郭家莊

出土中入汶

清泉距州東三十里出王莊土中入

汶 鐵佛堂泉距州東三十里地名侯家店出土中

長二十里入沙河六里轉入汶 周家灣泉距州東

二十五里地名栗林莊出土中入沙河六里轉入汶

皂泥溝泉距州東五十里地名喬家莊出土中西

南流入汶 風雨泉距州東三十里出土中長六里

入汶 已上諸泉南入汶

范家灣泉距州東五十里出土中長八里西南流入汶
鯉魚溝泉距州東五十里出新店莊土中長一里西南流會范家灣泉又西南轉入汶 大興橋泉距州東六十里出土中長二十里入汶 板橋灣泉距州東六十里出板橋灣土中長八里西南入汶
雲潭泉距州東五十里出沙中長二里入汶 已上諸泉南入汶

北滾泉距州東六十里地名嶠谷莊出沙土中長五
里入汶 順河泉距州東六十里出石縫中長二里
小泉同會北流六里入汶 會泉距州東六十里出
沙中長七里入沙河轉入汶 搬到井泉距州東六
十里出沙中入沙河轉入汶 坡里泉距州東北六
十里係沙泉出井中數步會前泉入沙河轉入汶
已上諸泉由沙河北入汶

明堂泉即謝過泉距州東北十五里出沙中長二十

五里入泮河轉入汶

金星泉距州西南一里出沙

中會廣生泉轉入泮河

廣生泉距州西北二里出

石中入泮河轉入汶

張家泉距州南八里出南村

保沙土中入泮河

木頭溝泉距州南十二里係泥

泉入泮河轉入汶

龍灣泉距州南二十五里係沙

泉入泮河轉入汶

馬兒溝泉距州東南三十出舊

縣保土中廕泉四南流五里入泮又東南三里入汶

梁子溝泉距州南三十里係泥泉合明堂泉入泮

轉入汶 梁家泉距州南三十里出高坡土中東南
流入汶 已上諸泉由泮河轉入汶

吳山溝泉距州東南四十五里出崔家莊山溝中西
流入汶 滄浪溝泉距州東南五十里出潦泊店山
根下西流入汶 顏謝泉訛為言謝距州南六十里
出顏謝村沙中南流入汶 西顏謝泉距州南五十
里出土中入顏謝泉轉入汶 白土涯泉距州南七
十里出沙中入汶 已上近山諸泉入汶

龍堂泉距州南七十里地名香城保出沙中南流五
里入小汶 香城泉距州南七十里出土中入小汶
良甫泉距州東南八十里出沙中入小汶 韓家
莊泉距州南一百里地名山陰保石泉出土中北流
入小汶 皮狐泉距州東南九十里出沙中入小汶
水坡泉距州東南一百里出土中西北流入小汶
石縫泉即新莊石縫泉距州東南一百里出土中
入小汶 西柳泉又名二柳泉距州東南一百里係

沙泉地名樓底集東西二柳俱出石縫中西北合流
數步會小柳又十二里轉入小汶 東柳泉又名神
泉距州東南一百里入西柳泉 小柳泉距州東南
一百里出沙中入西柳泉轉入小汶 海旺泉距州
東南一百里出土中入西柳泉轉入小汶 黑虎泉
距州東南一百里係沙泉入西柳泉轉入小汶 力
溝泉距州東南一百里係沙泉地名力里村出土中
入小汶 羊含泉距州東南一百里地名羊含村出

石縫中西南流入汶 新興泉距州東南九十里出
土中入小汶 水泉距州東南八十里出土中入羊
含泉下源轉入小汶 已上諸泉俱由小汶轉入大
汶

斜溝泉距州東南一百二十里地名汶西村出土中
西南流三里入小汶 濁河泉距州東南一百里地
名泉河集出平地石縫中廕泉二西北流十五里入
小汶又七十里入汶 真溝泉距州東南一百里出

土中入濁河泉轉入小汶 關泉距州東南一百里
係石泉入真溝泉轉入小汶 已上諸泉俱由小汶
會東南諸泉入汶

上泉距州西南五十里出石牆村石縫中廢泉一西
南流入漕河會馬蹄等泉入濁河四十八里入汶

水磨泉距州西南六十里地名西界保出土中入濁
河轉入汶 靈應泉距州西南五十里出土中入上
泉轉入會河 新查出泉距州西南五十里出土中

入上泉轉入會河 臭泉距州西南五十里出撒象

莊土中入上泉轉入會河 馬蹄泉距州西南五十

里出土中入上泉轉入會河 湖港溝泉距州西南

五十五里出侯村土中廢泉一西南一里會上泉轉

入會河 狗跑泉距州西南六十里出下張保石縫

中入會河轉入汶 小泉一曰噴金西南流四十餘

步會入報恩泉 報恩泉距州西南六十里出報恩

寺井中石泉長五十步入狗跑泉轉入會河西南二

十餘步會陷灣 陷灣泉距州西南六十里出石寨

村土中長一里入狗跑泉轉入會河廕泉二西南流
半里會狗跑 已上諸泉俱由濁河轉入汶

龍王泉距州西南一百里出石中入沙河轉入汶

坤溫泉距州西南一百里出沙中入沙河轉入汶

涼泉距州西南一百里出土中入沙河轉入汶 已

上三泉極西在渠外入沙河轉入汶

胡家溝泉距州西南六十里出南仇保土中枯涸

馬黃溝泉距州西南九十里出土中入汶

肥城縣

舊云肥城於周為肥子國漢置肥城縣東隣泰安西接平陰東南為泗水西南為東平

北抵長清岱宗峙其左陶牛環其右枕五嶺而面汶河屬濟南府

鹹河泉距縣西南

五十里在衡魚社沙土中西南流長二里會吳家等

泉廕泉六 董家泉距縣西六十里在衡魚社沙中

廕泉三西南流百步會入鹹河泉 臧家泉距縣西

六十里在衡魚社沙土中廕泉三西南流百餘步會

董家泉 已上三泉會渠至吳家王家二泉長二里

五十步 吳家泉距縣西六十里在衡魚社沙土中
蔭泉七西南流二里會臧家泉 黃家泉一名王家
泉距縣西南六十里在衡魚社沙土中蔭泉七已
上五泉會渠至開河泉長二里一百五十步

開河泉距縣西南四十五里在衡魚社大劉村土中
長六里三十步下源至拖車泉會渠長八里五十步
蔭泉四 拖車泉距縣西南五十里在衡魚社劉家
莊土中長二里三十步下源至馬房泉渠又長十里

二十步廕泉四 馬房泉距縣西南五十里出馬房村沙溝中西南長十七里至平陰會渠界又長十二里二十步廕泉一 聖惠泉距縣西四十里出土中接震澤泉 震澤泉在聖惠東出土中接引允泉 引允泉在聖惠西出土中合聖惠震澤二泉俱入馬房泉 已上諸泉入衡魚河轉流入汶

清泉距縣東南四十里出安寧村沙土中南流入汶 新開泉在六房社劉家村流入清泉河入汶 又

廢泉一曰陶朱在陶山下從陶山牛山合流成河甚沛惜下源數十里散入坡地然志言從古不能開濬為廢泉矣

按縣志大清河在縣城西北七十里即濟水故道俗呼鹽河以商販魚鹽舟楫不絕故名東北經平陰界又北經齊河等縣至利津即東出海矣今泉源內另有鹹河泉在衡魚社會諸泉西南流為衡魚河至東平州入汶者當以水味鹹鹵為言名同而實異矣

平陰縣

蒼叢云禹貢東原底平邑在東原之陰於周為譚子國後屬齊築平陰城隋始置平陰縣

東至肥城西接東阿東平在其南長清在其北屬兗州府泊頭泉距縣東五十里

地名孝直浦迤北出山溝石中東北流十里餘入衡

魚河

新柳泉距縣東南二十五里地名柳溝村出

高坡沙土中三十里入衡魚河會肥城諸泉又南流

至官橋歷東平州一百四十里入汶

橋口泉在縣

東南七里山下西北流至縣南河外東遶城周匝西

行又十里鋪西南有泉東北行至南門外西流與此

泉會又東溝水西流亦與此泉會形如川字遇秋澄
泓一派紋錯如錦色名錦川以此皆入大清河為邑
八景之一 天井泉在縣東二十里山礪石井中泉
勢如趵突飛流界道雖旱不涸北入大清河為邑八
景之一 拔井泉在縣西南五十里出九峪山崖經
石峽入大清河 馬跑泉在縣西南五十里赤溝山
北崖石竇間入大清河 按平陰泉東北流由衡魚
河入汶者只泊頭新柳二泉其餘東南西南諸山出

泉有橋石天井拔井馬跑泉即濟源發伏俱入大清
河不濟運又縣西濟水下流南岸有山蹲龍盤石跨
礙行舟宋時別鑿新開河避之北行而大清河即西
北抵東阿縣界三空橋五空橋等處東北隣逼漕河
不遠宜慎固隄防云

東平州

薈叢云禹貢東原底平東平之名由此春秋
為須句郕郭宿四附庸國北有危鳳諸山東

有汶泗諸水南接濟郛之境西襟會通之河岱
桃雄據於東北安梁角峙於西南屬兗州府高家

泉距州東南五十里出蓆橋村土中在河南涯入蓆

河距坎河壩十四里西出口入會河 坎河泉距州
東南五十里出劉家所山根沙土中在河北涯入蓆
河西出水口甚近廕泉二 鐵勾紫泉去坎河泉六
里出西莊村土中在河北涯有廕泉一處迤東入蓆
河 已上三泉西出口入會河 高莊泉距州東南
五十里係石泉在河北涯入蓆河 雙鳴泉距州東
南五十里出土中在河東涯分東西二股入蓆河
單眼泉距州東南五十里出土中在河東涯分二股

入蓆河 已上三泉相近俱入蓆河

卷耳泉距州東五十里出土中在河東崖 半畝泉
距州東五十里出土中在河南涯 三眼泉距州東
五十里在河北涯 安宅泉距州東五十里出土中
在河東涯 勝水泉距州東五十里出土中在河北
涯 安圈泉距州東五十里出蓆橋村土中磨泉二
在河南涯分東西二流 饒饒泉距州東五十里出
土中在河東涯 已上七泉相近皆入蓆河

口頭泉距州東五十里出土中在河東涯 浮問泉
當為浮汶距州東北五十里出土中在河東涯 大
成泉距州東北五十里在河東涯 徐家泉距州東
北五十里出土中在河西涯 張貨郎泉距州東北
五十里出夏雪村土中在河西涯蔭泉二 已上五
泉相近皆入蓆河由東出口入會河

冷河泉即冷和泉距州東五十里出土中分東西二
處入蓆河 蓆橋泉距州東五十里出土中共十六

處出水為諸廕泉之總領 第二泉泉小出水近

第三泉泉小出水近 第四泉係石泉甚寬出水頗

遠 第五泉小路近 第六泉不甚寬出水頗遠

第七泉不甚寬出水亦遠 第八泉小路近 第九

泉小路近 第十泉小路近 第十一泉小路近

第十二泉小路近 第十三泉小路近 第十四泉

小路近 第十五泉身頗大出水畧遠 第十六泉

即為本泉下源出水甚近 已上諸泉並流差分遠

近各入蓆河

二黃泉距州東北五十里有蔭泉三處為三四五黃
同入蓆河 大黃泉距州東北五十里出土中 王
老溝泉距州東北五十里出小雪村土中 已上通
計二十二泉相近皆入蓆河會流

烈泉距州東北四十里距獨山泉數步會入蓆河
獨山泉距州東北四十里出套裏村山谷石縫中磨
泉二東南流長三里會扒頭泉 扒頭泉即芭頭泉

距獨山三里夾會出山坡石縫中 源泉距芭頭數

步會入蓆河 郝家泉距州東北四十里出山溝土

中距源泉三里會入蓆河 净泉距州東北四十里

出石縫中距郝家泉一里會入蓆河 小王泉即新

泉距净泉五里自石縫中出 已上七泉俱係山泉

水微渠道或徑入或匯歸蓆河然自蓆橋泉已下俱

西出口入會河

神瀆泉距州東北五十五里出土中 湧泉距州東

北五十五里出土中 孫泉距州東北五十五里出土中 遊龍泉距州東北五十五里出土中 吳家泉距州東北五十五里出蒼紅村土中泉身寬大井
廢泉五出水甚遠 已上五泉相近匯流入蓆河又
東出口入會河 按出水口者自肥城衡魚河經本
州官橋蓆橋蓆河又經坎河壩戴村壩南流之會河
也

汶上縣

蒼最云汶上故魯中都戰國屬齊為平陸金置汶陽尋改今名左接魯甸右跨梁山背枕

四汶而據三
湖屬兗州府

龍關泉距縣東北五十里地名陶成出

雲尾村土中泉脈鼎沸如兩蚪相擊然故名流一里

會下源雞爪泉 薛家溝泉在龍關東出土中流一

里會下源龍關泉 老源頭泉在龍關東北出土中

地名陶成流二里會下源薛家溝泉 雞爪泉在龍

關泉東一里地名陶成出土中流一里會玲璫泉

玲璫泉即趙家橋泉左右小泉二距龍關南三里地

名渠村出土中流四里會入坡石橋 灤湍泉距縣

東北五十里出羅山村在坡當地方土中距龍鬬三里流三里十三步自會入坡石橋 已上共六泉以龍鬬為主而渠道則同會入坡石橋西至金龍口又西至崔家橋入汶水大渠

汶上泉渠自崔家橋經路家橋至張顯橋共二十四里至泊浪橋又七里至軍德橋又經畢家橋何家橋便易橋共二十六里至金龍口此處總謂之魯溝又經張家橋孫家橋大石橋屯橋共二十五里半乃至

灤湍泉又一里半至坡石橋諸泉之所匯入也三里半至楊家橋又一里半至趙家橋左右玲璫泉又一里至雞爪泉又一里至龍鬬泉自灤湍以下共八里半至龍鬬尚餘三里為龍鬬廢泉二里至薛家溝泉又二里至老源頭共長九十五里有奇而汶上泉渠止矣上源至下源共長四十一里

馬莊泉距縣東南十八里出馬莊坡土中泉眼二十四處流十五里至城南伏地不見另出水口四里至

崔家橋則仍出城北同入前渠道

寧陽縣

舊叢云寧陽春秋魯郕邑漢為剛蛇丘二縣後復析置寧陽南北朝元魏省蛇丘剛二縣入之

今縣境內有剛縣城逼近汶水即今埭城也府志云寧陽接泰山南麓城以北多山汶水經其境益以諸水為運道所資屬兗州府

蛇眼泉石口以泉孔如蛇眼故名在縣北門

外迤東一里出土中東南流長半里會三里泉等入

澗河 日淵泉石口即李家泉在縣北門外迤北三

官廟後東南流長半里入古泉會入蛇眼泉 古泉

石口距縣北門外迤北一里東流長半里會入蛇眼

廕泉一 三里溝泉水口在縣東門外迤北一里餘
出土中新廕小泉四舊廕泉七南流長二里會蛇眼
井泉石口在縣東門外迤北四十步出土中西南
流長三十步會蛇眼會三里溝泉 金馬莊泉距縣
東南八里出劉家村土中陰泉二西南十二里會蛇
眼 張家泉水口在城東蒲莊村迤東十二里向西
流八里會蛇眼入灤河廕泉七 已上諸泉俱入灤
河 按灤河即縣河歷蛇眼諸泉水南流至府城北

三十里入於洸即歸天井閘矣

古城泉石口在城南十二里沙莊村出土中長五里
西南流十二里會入滋陽縣漕河接濟天井閘 魯
姑泉以魯姑棄子存姪得名距縣西北二十五里在
鶴山之陽出常家村土中西南流六十五里入淵璫
山泉又西會汶上縣龍鬬泉入汶 灤淄泉距縣西
北三十五里距魯姑十里出蘿山村土中廢泉六西
南流三里會汶上縣灤淄入蒲灣泊又西二里入龍

鬬泉入汶 龍魚泉距縣東北六十里土口出黃家
村土中廕泉二十九又王家等泉三十二西流十里
會龍港泉 龍港溝泉澄泓一派萬孔沸湧浪花砂
礫宛若珠璣雖旱不涸距縣東北五十里出韓家村
土中廕泉二十七又小河等二十七西北流三里會
龍魚又三里入汶

新電泉距縣東北二十五里出劉家莊土中旱則無
水挑濬微津有二眼掘下源可入洗 羅星泉在縣

東北三十五里出殷家堂土中長十五里流入洸河
去汶五里以沙阻開入洸便 已上二泉久枯難濬

柳泉土口距縣西十里舊南流十五里入洸至嘉靖
初洸水久涸柳泉南入於洸者悉滲於沙不達於漕
乃於洸河兩岸東西相對各立一閘大雨時行則閉
閘門以防其溢春冬水淺則啟閘門以達其流東會
蛇眼等泉濯河合流悉至天井濟運迨明季依前南
流入洸至康熙三年仍改東流經城會諸泉以入濯

河

泗水縣

蒼葦云泗水於周為魯卅邑隋改今名東費南鄒西曲阜北泰安縣東有陪尾山泗水發源其

下泉源甚多或從地湧或從旁溢夏玉漱金滔滔不竭虎豹競形蛟龍吐沫五步成溪百步成河漣騰萬里終

始天地而

聖朝漕運

寶首賴之縣屬兗州府

泉林寺諸泉若林距縣東

五十里西珍珠豹突東黑虎淘米四泉俱出石縫中

合流為泗源

珍珠泉北流五步入豹突泉 豹突

泉一步入黑虎泉

黑虎泉一步入濤康泉即舊誌

淘米

淘米泉一步會雪花泉

雪花泉出沙中

已上五泉俱在寺龍王廟西一流分支又西北半里
會繁星等泉同出水口四里至卞橋

繁星泉出石中西南流五步入白石泉 白石泉出
沙中二步入蓮花泉 蓮花泉出沙中五步入雙晴
泉 雙晴泉出沙中 已上四泉亦在寺內龍王廟
前同出水口五里至卞橋

甘露泉出沙中西北流五步入甘露新泉 甘露新
泉出沙中半步入西甘露泉 西甘露泉出泥中

已上三泉並在寺龍王廟前一流分支西流半里會珍珠等泉又一里會潘坡等泉同出水口五里至卞橋

淘米泉即濤糜泉以音同致訛出沙中在龍王廟西南流二十步入三水泉 三水泉出石中五步入响水泉 响水泉出石中十步入醴橋泉 醴橋泉出沙中八步半入涓涓泉 涓涓泉出石中五泉一流分支南十步入紅石泉 紅石泉出石中十步入新

開泉 新開泉出泥中九步入琵琶泉又一新開泉
在醴橋紅石泉之間 琵琶泉出泥中三步入天井
泉 天井泉出泥中十五步入奎聚泉 奎聚泉出
泥中二十二步入西奎聚泉 西奎聚泉出泥中二
十步入湧珠泉 湧珠泉出沙中 已上諸泉俱在
龍王廟西南一流分支源頭諸水南流一里會珍珠
等泉一里併會潘坡等泉同出水口五里至卞橋
卞莊泉出泥中在泉林寺龍王廟前西北流二十步

入三台泉 三台泉出泥中亦在龍王廟前西北流
一里入潘坡泉同出水口五里至卞橋 卞橋泉出
泥中在龍王廟西南水西北流二里徑入卞橋河二
里至卞橋

潘坡泉即驪珠泉距縣東五十里在潘坡村南出沙
中北流十步入膏湧泉廕泉一 膏湧泉出沙中十
步入瑤泉 瑤泉出沙中八步入留思泉 留思泉
出沙中五步入石竇泉 石竇泉出石中十步入石

液泉 石液泉出石中七步入雙石縫泉 雙石縫
泉出石中五步入潘坡新泉 潘坡新泉即石露泉
出沙中十步入石壑泉 石壑泉出沙中 已上諸
泉一流分支皆在潘坡村南北流四里會湧珠等泉
同出水口五里至卞橋 按卞橋金大定十年建去
縣四十五里地在泗源南社其聚有三曰石漏村曰
卞莊曰潘坡村自珍珠以下有繁星甘露淘米醴橋
卞莊卞橋潘坡等各泉頭相距不出南社三聚五里

逵近俱入卞橋會河卞橋一里入泗河也

激雪泉距縣東四十五里在石露村西北出沙中東北流十五步入大黃陰泉 大黃陰泉出沙中東北流二十步入小黃陰泉 小黃陰泉出泥中北流十里入泗 吳老泉距縣東北三十五里在小黃溝村東出泥中西南流一里入變巧泉 變巧泉出沙中西流十步入大黃溝泉 大黃溝泉出沙中在大黃溝村正東西南流六里入小河四里入泗 小黃溝

泉出泥中在大黃溝村正東西南流六里入小河四里入泗 石井泉出泥中距縣東二十里在李家坡西北地名蔣家村北流二十步徑入泗 杜家泉出沙中距縣東十九里在李家坡西北地名漢北杜西北流半里徑入泗 里家泉即李老溝泉距縣東十八里在林泉村南出泥中西北流半里徑入泗 蔣家泉距縣東十七里在林泉村南出石中西北流一里徑入泗 曹家泉距縣東十五里在東巖店東出

石中西北流一里半徑入泗 岳陵泉距縣東北十
六里在岳陵東北出泥中西南流九里入泗 四勝
泉距縣東十四里在東巖店西出泥中十步入趙家
泉 趙家泉水清可愛出石中十步入黃花泉 黃
花泉出石中十七步入合德泉 合德泉有二巨石
在旁明季鑿出與趙家清德相合故名三泉俱一流
分支距縣東十三里在東巖店西南水西北流一里
入後東巖石縫等泉下源合一股西北流八十步入

泗

泰來泉出泥中三十一步入地震泉 地震泉出石
中五十一步入東巖石縫泉 東巖石縫泉出高坡
石中十九步入天津泉 天津泉出泥中 已上四
泉俱一流分支距縣東十四里在東巖店西南水西
北流一里半入泗

龜尾泉出泥中距縣東十一里在李家莊東北十四
步入龜陰泉 龜陰泉出沙中俱東北流二里半入

泗 大鮑村泉出石中地名尚舒村廕泉一北流十
步入小鮑村泉 小鮑村泉出石中十一步入龍澤
泉 龍澤泉出石中十步入東廕出小泉 東廕出
小泉出泥中十三步入西廕出小泉 西廕出小泉
出石中 已上五泉一流分支距城東八里俱在鮑
村南西北流六里入泗

城南珍珠泉出高坡沙中距縣東南五里在醴泉莊
南西北流半里入醴泉 醴泉出石中距縣東南四

里半在醴前村南西北流三里入醴前泉六里半入
泗 醴前泉距縣東南三里出石中在醴前村迤西
北流四里入泗 七里泉出土中距縣西三里在湯
家莊北西北流七里入泗 壁溝泉距縣西十五里
在李白莊南地名中冊社南流十里入泗 大玉溝
泉距縣西南十二里出土中又出平坡石縫中地名
玉溝村北流三十六步入小玉溝泉 小玉溝泉出
土中距大玉溝數步廕泉一二十一步入西廕出小

泉 西廕出小泉出沙中二十一步入龍震泉 龍

震泉出沙中十五步入珠澤泉 珠澤泉出沙中

已上五泉一流分支在南玉溝村東北流八里入

泗

馬莊泉出土中距縣西北二十里在馬莊村北西南
流五里入馬跑泉會河三里入魏莊泉出水口十四
里入泗 馬跑泉出沙中距縣西北二十五里在柘
溝村東西南流五里入馬莊泉會河三里入魏莊泉

十四里入泗 魏莊泉出土中距縣西北二十七里
在魏莊村東南源頭水微中源底漏六里入馬莊馬
跑兩泉會河九里入泗 三角灣泉出沙中距縣西
三十里在三角灣村迤南地名仁里西流二里入泗
西巖石縫泉地名西巖村出平地石縫中距縣西
南二十五里在葫蘆套迤東西流六里入蘆城泉沙
河九里入泗 蘆城泉出沙中距縣西南二十三里
在蘆城村迤東西北流十里入西巖石縫泉沙河七

里入泗 石河泉出土中距城北七里在城子崖地
名曲北村出平地石縫中源頭水微二里徑入泗 以

上俱山東全河備考

行水金鑑卷八十四